

চট্টগ্রাম এখন বিচ্ছিন্ন নগরীতে পরিণত হয়েছে : ডা: শাহাদাত
চট্টগ্রাম ব্যুরো ২০ জুন ২০২২, ০১:৩৯

চট্টগ্রাম এখন বিচ্ছিন্ন নগরীতে পরিণত হয়েছে। আমরা বারবার যেটা অনুমান করছিলাম বর্ষা মৌসুম আসার আগেই জলাবদ্ধতা নিরসন প্রকল্পের কাজ সম্পন্ন করতে না পারলে পুরো নগরী পানিতে ডুবে যাবে সেই আশঙ্কা সত্যি হলো। বর্ষা মৌসুমের শুরুতেই আজ পুরো নগরী জলাবদ্ধতায় নিমজ্জিত হয়েছে। কেউ ঘর থেকে বের হতে পারছে না। ব্যবসায়ী, চাকরিজীবী হতে সব শ্রেণীর মানুষকে আজ দুর্ভোগ পোহাতে হচ্ছে। মেগা প্রকল্পের নামে মেগা দুর্নীতির কারণে আজ নগরীর এই বেহাল দশা।